



Scho die 20. Fasnacht si mir of em Waage  
Mir hei gnue gha vom Instrument traage  
Das Jubiläum miese mir begiesse  
Und mit Euch d Laufner Fasnacht gniesse

Im Stadthus herscht Regulierigs-Wuet  
Will dr Stadtroot neu Fasnachts Gsetz ufstelle tuet  
Doch statt eus Fasnachächtler z schigganiere  
Würde sie gscheiter d Wätter-Charte studiere

Denn: am 1. Mai-Märt z Laufe  
Chasch letscht Jahr grad gar nüt chauffe  
Will dr neu Stadtroot beschlosse het  
Dass e Orkan s Stedtli verwüste wett  
Doch kei Lüftli het gweiht am 1. Mai  
Vill Lüt nämme dr Wäg of Laufe unger d Bei  
Was si dört aträffe glaubt niemer, das wett i  
S het Chääre statt Märt-Stäng im Stedtli  
Dr neu Stadtröt hets nit eso mit de Fiirtige  
Am 1. August verbiete si über d Zitige  
„E Fürwärgchverbot gilt für Laufe, jawohl!“  
Und d Mattegumper lache sie sich dr Ranze voll

Mir 12 si vom schottische Lufti-Clan  
Mir si unzertrennlich, s isch e Wahn  
Dank eusem Gitz, chönne MIR für Laufe  
Drmit im Seppli si Wält-Cöp chöiffä

Und zwöi Jahr spöter, s isch dr Hit  
Zahlt eus dr Sepp e Rächmig wo's gar nit git  
Dr Alex fühlt sich schuldig und gumpt vo dr Brugg  
Und s Margot tritt als Märt-Fee zrug  
Fahrsch i s'Stedtli ihne mit dim Chaare  
Gsesch, dass d IG nit mues spahre  
Do geshts jetz us wie z Hollywood  
Doch s het meh roti Teppich als im Stedtli Lüt

Mir Schotte hei dr Schofbogg Dolly klont  
Doch zwüsche de Bei ischs nit wie gwohnt  
Im Bundeshuus hei mir das fehlende Teil gfunge,  
doch zu eusem Fruscht

Het dä Schoffseggel leider (Häschtäg) #käLuscht  
Zu eusem Jubiläum, Dir chönnet Euch dänge  
Würde mir Euch gärn e feine Whisky usschänge  
Er isch 20 Jahr alt und grad us Schottland itroffe  
Doch hei mir ihn leider sälber scho gsoffe

Drumm liebe Lüt, nämets Eus nit übel  
Göht i d Beiz und suffet of eus e Chübel  
Eus wird's no mängs Jahr gäh  
Und oh d Glägeheit zum mit eus eine näh

[Facebook.com/Lufthueler](https://www.facebook.com/Lufthueler)

[Google+ / Lufthueler](https://plus.google.com/+Lufthueler)

[Youtube.de/Lufthueler](https://www.youtube.de/Lufthueler)